

池盟演樞 文竟幽歌

南方七天

尾丹曰途 館丁彥廬 帝契浩都

綿多英瑜 颯盈沖游 微氣白孤

道散上京 嶽嶽察甦 昌陽健區

堯冕光舒 音定法輔 天琳紅腴

治無攝緒 九真嘯圖

西方七天

蘭濤後商 宵池希陽 散率鬼都

荀候救符 浪澤寒渚 斗司高蘇

正辨夷直 僊遠煙濡 卦說琅璇

奇洞輔皇 邈初景章 鬼泉骸藏

銜娘適漢 合神郁蒼

北方七天

魚錄海定 扶鸞彌華 安膚袂玄

智洪僊霞 混元逸隸 光通濛嘉

珪召神諫 書羅芒搖 黑獸顛元

赤馳龍表 壽鏡寶除 支方謨宣

覺益華雲 神瑛奏環

道言太一神變氣行二十八天天氣布流九

宮此諸天九宮中大梵隱語无量之言舊文

刻書太微鳳館青壁之上字皆廣長一丈天

真皇人昔書其文以為正音有知其音能齋

而誦之者諸天皆遣飛天神王下觀其身書

其功勤上奏諸天萬神朝禮地祇侍門大勳

三元保舉太一道備剋得遊行三界升入金

門

此音無所不祥無所不禳無所不度無所不

成太一天真自然之音也故誦之致飛天下

觀太一遙應萬神朝禮三界侍軒群袂束首

鬼精自亡琳琅振響十方肅清天輪高映萬

象懸明海光湛徹穴凝煙萬國振伏稽顙

帝前兵道自勝神勇自然冥慧洞清大量玄

玄也

元始无量度人上品妙經卷之六

靈寶无量度人上品妙經卷之七

天七

顯瑞符應品

道言昔於大丹天中洞陽幽察赤精境土受

元始度人顯瑞符應上品元始天尊當說是

經周迴十過以召十方始當詣座顯化大神

主瑞靈尊符應真人無鞅數衆乘空而來泛

氣紫霄瑤輦琅輿華蓋垂陰金碧交光飛雲

蔚藹朗耀大虛九日夜元綱天輪慶煙高

浮七曜凝輝坤靈發祥三元肅靜四炁澄清

諸天寶闕瓊樓瑞霞照映皆現八會真文洞

煥上宮無有異色衆真侍座元始天尊玄坐

空浮五色寶山之上說經一徧諸天列聖同

時稱善儀有丹鳳黃龍來告升平說經二徧

大地山川七寶湧出說經三徧渺景陰華光

結重輪說經四徧天市太微皆現景星說經

五徧瑤華滿空慶雲四飛說經六徧甘露凝

珠潤澤一切說經七徧城闕臺觀玉芝羅生

說經八徧靈書敷陳真符下降說經九徧天

授玄圖帝膺寶錄說經十徧人民康樂普受

百福草木昆蟲咸均至化是時一國是男是

女莫不傾心覩見玄瑞符合聖時各受護度皆得長生

道言是時元始天尊說經一徧東方无極无量品舉仙大神無鞅之衆浮空而至說經二徧南方无極无量品丹池大神無鞅之衆浮空而至說經三徧西方无極无量品明耀大神無鞅之衆浮空而至說經四徧北方无極无量品雙闕大神無鞅之衆浮空而至說經五徧東北无極无量品碧霞大神無鞅之衆浮空而至說經六徧東南无極無量品黃上大神無鞅之衆浮空而至說經七徧西南无極无量品中皇大神無鞅之衆浮空而至說經八徧西北无極无量品天元大神無鞅之衆浮空而至說經九徧上方无極无量品玄虛大神無鞅之衆浮空而至說經十徧下方无極无量品洞淵大神無鞅之衆浮空而至十徧周竟十方无極顯瑞符應大神一時同至一國男女各相謂言我等昔聞五篇初出三界始分天尊帝王降生諸天神靈告瑞變化其中今聞元始演陳天地之本悉歸帝王

帝王之德配於天地道隆德廣神備悉充五行至精各顯玄妙挺生奇異敷告帝王為瑞符應理該洞玄傾心歸仰來者有如潮期風信無鞅之衆迨國一半土皆徧陷非可禁止於是元始放太光明隱顯莫測所御寶山化成一珠大如朗月在太虛之中去地萬丈元始登引九天列真上聖高尊妙行飛仙十方无極瑞應大神無鞅數衆俱入寶珠之中天人仰看惟見拂拂從珠口中入既入珠口不知所所在國人廓散地還平正無復欹陷元始即於寶珠之內說經都竟衆真監度以授於我當此之時喜慶難言法事粗悉諸天復位倏歛之間寂無遺響是時天人遇值經法普得濟度全其本年無有中傷傾土歸仰咸行善心不妄不諂不黨不偏不苟不佞不恣不憍不慢不欺心行恭讓口無浮言齊同慈愛異骨成親國安民豐欣樂太平經始出教一國以道預有至心尊奉禮敬皆得度世道言元始天尊說經中所言是洞神祖炁靈寶內名隱韻之音亦是降瑞符聖列真內

諱飛仙之隱名也非世之常辭上聖已成真人通玄究微能悉其章誦之十過諸天降瑞萬帝錫符河海靜默山嶽藏雲地瑞顯明高靈燭幽群魔束形鬼精滅爽迴屍起死白骨成人至學之士誦之十過則五帝納瑞三界告盟顯應至仁式揚至道所以爾者天地發祥符合聖真為瑞之炁其炁妙微思而不得論而不知萬物為變五行化奇人感其精不為朽屍輕誦此章身則被殃供養尊禮門戶興隆世世昌熾與善因緣萬災不干神明護門斯經尊妙獨步玉京度人无量為萬道之宗巍巍大範德難可勝道言凡誦是經十過精感上玄克集瑞祥妙炁凝結萬物化光上輔人君道運無疆永保億年而好學至經功滿德就皆得神仙飛昇金闕遊宴玉京也上學之士修誦是經天瑞昭應福被一方簡奏天官名度南宮世人受誦則靈芝發生池涌醴泉降集道炁制靈召和精鍊服餌延壽長年遊行五嶽位證地仙此經微妙普受無邊一切天人莫不受慶無

量之福生死蒙惠上天所寶不傳下世至士齋金寶效心盟天而傳輕泄漏慢殃及七玄長役鬼官侍經五帝玉童玉女各一十二人營衛寶章守護受經者身

道言正月長齋誦詠是經使天杰和平草木

發榮物無疵癘萬寶俱成七月長齋誦詠是

經九天降神山嶽孕精產育賢人慕道學仙

十月長齋誦詠是經天地開通封山致靈符

瑞臻應俱會帝庭永鎮萬方民稱太平八節

之日誦詠是經五穀繁滋異秀呈祥月晦之

日誦詠是經丹碧靈芝以度兆身不經干試

身有光明玉華耀映羽葆司迎萬神朝禮名

書上天功滿德就飛昇上清

道言行道之日皆當香湯沐浴齋戒入室

東向叩齒三十二通上聞三十二天心拜

三十二過閉目靜思身坐蒼碧赤三色雲

炁之中內外翁冥有青龍白虎朱雀玄武

獅子白鶴羅列左右日月照明洞煥室內

項生圓象光映十方如此分明密呪曰

无上玄元太上道君召出臣身中三五功曹

左右官使者侍香玉童傳言玉女五帝直符直日香官各三十二人開啓所言今日吉慶長齋清堂修行至經无量度人願所啓上徹

徑御元上三十二天元始上帝至尊几前畢

引炁三十二過東向誦經

元始无量度人上品妙經

元始洞玄靈寶本章上品顯瑞符應變化度

人玄微隱韻符合自然蒼混流精鍊胎結仙

妙光景輝化生赤文融構羅絡慶煙交纏植

立玄根烟燿諸天丹光玉書普集五靈虛无

曠邀浮響幽寥真官帝炁絳籙生音流布九

霄水火飛騰是為珍瑞混一之居七寶玄臺

紫微上宮上極太無高清鬱單把握元機魏

巍至尊統御陰陽造化生成上範虛漠理微

太幽宴處大羅遐覽十方中有玄元大化之

真中有上清七變之君中有顯揚天瑞之尊中有符應帝運真人中有幹旋天綱鎮安地紀飛行空界立極尊神總枝圖錄无量化身今日慶會萬神臨軒

東方无極仁德神王長生大聖无量度人

南方无極明德神王長生大聖无量度人

西方无極化德神王長生大聖无量度人

北方无極智德神王長生大聖无量度人

東北无極柔德神王長生大聖无量度人

東南无極正德神王長生大聖无量度人

西南无極文德神王長生大聖无量度人

西北无極清德神王長生大聖无量度人

上方无極玄德神王長生大聖无量度人

下方无極厚德神王長生大聖无量度人

十方顯瑞符應神王長生度世无量大神並

乘絳煙瓊車瑤輦紫蓋龍旂駉駕天鹿靈鳳

騶虞建玄英之節三素神播左列飛天大將

右從流金火鈴天馬麒麟騰擲辟邪十華啓

途五佐翼棘德乘萬騎浮空而來靈光回耀

命仙集真龜臺典錄崑崙閻風玄司主宰符

諸天神執簡倚章同到玉庭隨所昭應攝召  
 諸天普告域中仙境神州八海四瀆名山大  
 川洞天官府十二靈源大地曹局黃關九宮  
 速布道化肇發嘉祥不得獲過元瑞克臻真  
 王受符福蔭下民寒暑順時三景長明物無  
 災癘百穀豐登化被四夷仁及昆蟲遂性道  
 遙欣樂太平隨劫輪傳俱獲飛仙永斷六天  
 魔試之難凌空步虛遊宴太冥太冥之天天  
 帝文昌極道之境梵行

東方八天

應德寶玄天	帝太宗祖門
顯靈恭耀天	帝伯公容
運慶冥感天	帝后元留常
負明化氣天	帝召林永仙
開光妙真天	帝合季冲
仙度仁受天	帝正光通生
旻章廣志天	帝昊集萬卿
玄化澤都天	帝軍承理弓
南方八天	
崇文惠聞天	帝拂鑒朗

紀延大功天	帝祝求聞
禮尊告玄天	帝連最招敷
太華綠靈天	帝將賢匪庸
高虛明惠天	帝洞浦臨
正力定方天	帝敷要總奇
君慈布仁天	帝景回萬容
用成積化天	帝宮景資
西方八天	
育王宗變天	帝防監淨康
方義端妙天	帝洪飛益果
厚信興教天	帝混至杯庚
威敏施周慶天	帝道昌化延
微音元映天	帝巒宏遠衝
玄監流精天	帝召闕山希
元聖品仙天	帝卓抱臨
瑞莊明符天	帝恭蒙比元
北方八天	
法海龍輝太寶天	帝崑羅耀
空洞窈昭天	帝覺神機
宗元妙光天	帝好從輔昌

融混豐炁天 帝守蒼流軒  
 彌印合輪天 帝揚旗布安  
 太妙護世天 帝吉支越初  
 歷變全道天 帝圖斯鷲門  
 廣生章觀上天 帝合輔召嚴

三十二天三十二帝諸天隱諱諸天隱名天  
 中空洞自然靈章諸天隱韻大洞之音靈寶  
 之尊瑞應之神開祥啟運混炁之靈九轉十  
 徧登虛躡空神妙玄奧高陰二儀敷落丹華  
 顯應天人今日同欣至化歷感諸天泛景紫  
 霄回僊雲管超涉弱淵玉耀靈津仙聖錫符  
 受書帝門東斗運神西斗鍊精北斗凝結南  
 斗布靈中斗攝炁符瑞化生青天命真素天  
 舉仙玄天定錄丹天召仙黃天慶會總闕元  
 關廣霞神王經紀彌綸長離神王上炎流煙  
 昌開神王主制七關鬱單神王仙鍊八威中  
 黃神王監真糾非五天高真萬化之尊統御  
 天政運輪璇璣乘龍駕雲飛行太微照辟扶  
 氣正氣同歸上帝降圖丹景炎光大君受詔  
 威制十方百邪摧滅道化施張嘉祥來至境



界澄清五行順軌皇道長明政有暴亂東送  
女青三元列曹定罪嚴刑九天八極考校無  
停人主受福國安民豐社稷綿綿億劫無終  
克享太平與道俱隆神飛玉京遊宴上官宣  
示萬神普告無窮三界五帝列奏高穹大運

澄廓啓極丹光植立諸天流變陰陽上騰三  
氣下化百常元洞幽奧飛範堅剛玄曆數周  
六濁九清太漠鬱微無象無形混沌玄黃靈  
音散生敷我至化廣運自然炎精扇疾鼓躍  
天淵瑤編赤簡玉錄正文攝召冲炁役使萬  
靈天書森羅大法恢張隨劫開演大素妙篇  
授圖神霄永鎮瓊宮數當慶會應運流傳普  
度群品同歸三元至教清明功參上玄玄中  
瑞符來應真人生民樂康境土常寧含輝隱  
耀鎮息綿綿保精玄華鍊胎紫煙乘霞泛景  
舉形飛仙千變萬化與氣合真真中至神萬  
道之君正天御極億劫獨尊號曰元始是為  
我身三界治官總統生根上遊玉虛飛神太  
無圓羅之內混黃之中洞洞無色八極靈關  
速召大魔制會玄都十轉回風慶及幽冥天

道降祥无量度人上開生門經入飛輪考校  
圖籙善惡因緣咸受開濟死現生身身得受  
生上奏紫清紫清之上各有玄音中有顯瑞  
符應之篇三素玉章辭參高真

第一飛仙吟詠元始立極之音

眇眇觀大無 諸天宗虛皇 龍漢既已往  
冥冥度延康 天地返鴻濛 八垣藏精光  
三界皆化消 生靈遂渺茫 獨有極道境  
群有無天傷 赤光開玄圖 真文散十方  
妙炁降清微 飛輪結元綱 靈寶育三景  
萬化復恢彰 玄符鎮玉山 世祚永無疆  
上聖坐圓羅 常居大福堂 正統皇極道  
永以付真王

第二大魔讚歎說經胎感之篇

朗朗玄綱 周流八虛 輪轉諸天  
統會玄都 嚴嚴萬神 環侍帝居  
上聖弘至教 洞陽羅簡書 十過演靈章  
群品皆昭蘇 妙道無窮極 億天藏一珠  
仙真慶無已 玉虛受玄符 赤文煥碧霄  
祥煙滿空浮 大地發珍奇 壽樹生瓊瑤

鳳麟降世間 玉芝秀庭隅 萬劫獲昇平  
玄化從此敷

第三真人宣告顯瑞符應之章

元始虛皇 高居玉清 生育三景  
立天之根 右列玄輝 左運負明  
分炁下中天 斗極為至尊 端坐朝八維  
下應於人君 人君順天道 嘉祥隨德生  
地出長生錄 天授玄景文 山川浮秀氣  
珍瑞集玉庭 兆民無災癘 五穀保豐登  
明宣太上旨 萬天咸使聞 群品盡歡悅  
稽首荷玄恩  
此三界之上飛空之中真魔歌音參洞章  
誦之百遍名度南宮誦之千遍真魔保迎萬  
徧道備飛昇太空過度三界位登仙公有聞  
靈音天瑞降身魔王敬形勅制地祇侍衛送  
迎拔出地戶五苦八難七租昇遷永離冥官  
魂度朱陵受鍊更生是謂无量普度無窮有  
秘上天文諸天共所崇世慢墮地獄禍及七  
祖翁  
道言此二章並是諸天上帝至靈隱秘之音

上元太和萬福之氣為祥為瑞顯告於君為  
人為忠良賢達在物為寶玉偉異於禽獸為  
麟鳳龜龍於地為五芝奇木珍石山河之祥  
於天為慶雲景星甘露人君有道符應所行  
之德皆是大梵之言非世上常辭言無韻麗  
曲無華宛故謂玄奧難可尋詳上天所寶秘  
於神霄玉清玉府東藏經室數行主辰運應  
下傳若有至人齋金寶質心依舊格告盟三  
天然後而付焉

道言夫為善仁之德則天顯瑞符應以報其  
君為惡背之過則天顯災異以告於民故於  
天地運度否終日月五星虧盈至聖神人休  
否未學之夫病傷凡有此災同氣皆當齊心  
修齋六時行香十徧轉經嘉瑞立降消諸不  
祥無量之文普度無窮

道言夫末學道淺或仙品未充運應滅度身  
經太陰臨過之時同學至人為其行香誦經  
十過以度屍形如法靈瑞之氣默降於身魂  
神徑上南宮隨其學功計日而得更生轉輪  
不感便得神仙

道言夫天地運終星宿錯度日月失明四時  
失度陰陽不調國境不安農商失利疫毒流  
行兆民死傷師友命過皆當修齋行香誦經  
夫齋戒誦經功德甚重上消天災保鎮帝王  
下禳毒害以度兆民生死受賴其福難勝故  
曰无量普度天人

道言凡有是經能為天地帝主兆民行是功  
德有災之日發心修齋燒香誦經十過降  
嘉祥永保太平皆諸天記名萬神侍衛右別  
至人剋得為聖君金闕之臣諸天記人功過  
毫分無失天中真魔亦保舉爾身得道者乃  
當洞明至言也  
諸天中大梵隱語无量音 道君撰  
元始靈書瑞符曲篇

東方八天

蟄積尾演 仇非瑄忱 彌羅漫時  
決都合峯 古娥罔籍 綿洪美欽  
洞荷丙珞 華瑤子尋 屈波樊那  
明魔大林 妙際極梵 目奮玄深  
旣住戌解 曆瓊闌辛 忽灼徧柯

銘謀符歆

南方八天

哲遲延殊 救嘉珉賢 果澄利頂  
公松景單 越那鬱諾 顯社茲元  
稽俊豆關 宜正復騫 和舒慙農  
畢室九回 郎化止伯 思已懸居  
社嘉法析 錄足尉微 光屯幽爽  
乾靈自催

西方八天

沖廣魯淵 牟陀烟宣 弼乙旦娑  
氣蒙師勻 薄約龍旋 甫幽建存  
踐將橫辛 蔽仙浦全 香溫澤臺  
應睇蒼輪 聿兀昭素 雲和鼓瓊  
寥延鹿迷 攝精秘卿 陸謨吁恪  
寶輪猷屯

北方八天

角還悟鏗 夷林希疆 玄遁清微  
古慎匪揚 霞戀邀塵 問覺通皇  
智平由達 斫機式郎 耦都離珊  
召封化光 龔寵祖迂 斗棘兵剛

漂盧健需 玄釜陰當 靈肘捐度

太赤混方

道言此諸天中大梵隱語无量之音舊文書  
中黃靈臺招十二玄瑞二十四應於元始  
五老大福堂之境赤書玉文顯瑞符應之始  
字皆廣長一文天真皇人昔書其文以為正  
音有知其音能齋而誦之者諸天皆遣飛天  
神王下觀其身書其功勤上奏諸天萬神朝  
禮地祇侍門大勳真魔保舉神霄道備剋得  
遊行三界昇入金門此音無所不辟無所不  
穰無所不度無所不成天真自然之音也故  
誦之致飛天下觀上帝遙唱萬神朝禮三界  
侍軒群杖束青鬼精自亡琳琅振響十方肅  
清河海靜默山嶽吞煙萬靈振伏招集群仙  
天無氛穢地無杖塵冥慧洞清大量玄玄也

元始无量度人上品妙經卷之七

靈寶无量度人上品妙經卷之八 天八

清微金科品

道言昔於妙極天中靈洞霄音泰玄化境受  
元始度人清微金科无量上品元始天尊當  
說是經周迴十過以召十方始當詣座天真  
大神上聖高尊妙行真人清微九聖上元天  
官衛法神王無鞅數衆乘空而來玉光綠與  
三素飛雲羽葆流輝玄虛散霞丹景浮英晃  
耀太空七日七夜諸天陽館陰宮金闕瓊樓  
羅列真文靈風扇霄隱韻生音元綱停運雙  
曜高明一國地土山川林木緬平一等無復  
高下土皆作碧玉無有異色衆真侍座元始  
天尊玄坐空浮九色神龍之上說經一編諸  
天大聖同時稱善是時一國男女各運精誠  
願見玄妙說經二編靈府虛明廓然開悟說  
經三編神炁混合坐觀十方說經四編了悟  
在心轉能化誘說經五編未來衆生廣為接  
引說經六編證天仙業修上真道說經七編  
超出三界為天種民說經八編得見元尊神  
靈位號說經九編注籍清微名上金科說經

十編與聖合真永斷輪轉是時一國是男是  
女莫不傾心皆受護度咸得長生

道言是時元始天尊說經一編東方无極无  
量品注生大神無鞅之衆浮空而至說經二  
編南方无極无量品執憲大神無鞅之衆浮  
空而至說經三編西方无極无量品定名大  
神無鞅之衆浮空而至說經四編北方无極  
无量品司化大神無鞅之衆浮空而至說經  
五編東北无極无量品簡奏大神無鞅之衆  
浮空而至說經六編東南无極无量品敷教  
大神無鞅之衆浮空而至說經七編西南无  
極无量品權變大神無鞅之衆浮空而至說  
經八編西北无極无量品糾察大神無鞅之  
衆浮空而至說經九編上方无極无量品監  
觀大神無鞅之衆浮空而至說經十編下方  
无極无量品成德大神無鞅之衆浮空而至  
十編周竟十方无極天真大神一時同至一  
國男女傾心歸仰來者有如細雨密霧無鞅  
之衆迨國一半土皆偏陷非可禁止於是元  
始結清微玄妙之炁化一寶珠光如大星在